

DFF - Meros Farm 2

Mamlakat:	O'ZBEKISTON
Loyiha ID raqami:	56550
Faoliyat sohasi:	Farmatsevtika ulgurji savdosi va distribyutori
Bildirishnoma turi:	XUSUSIY
Ekologik toifasi:	B
Tasdiqlangan sana:	03 Iyun 2025
Qaysi bosqichdaligi:	Tadqiqot bosqichida, yakuniy ko'rib chiqish jarayonida
Ingliz tilida e'lon qilingan sana:	03 Iyun 2025

Axborot olish imkoniyati to'g'risidagi yo'riqnomaning 1.4.2 (iii) bo'limiga muvofiq: "Direktorlar Kengashi tasdiqlash vakolatini Bank rahbariyatiga topshirgan holatlarda, Bank rahbariyati tomonidan tasdiqlangan loyihalar uchun Loyiha xulosa hujjati (PSD) Bankning a'zo mamlakatiga tegishli e'tirozsiz xabarnoma davri boshida, YTTBni

tashkil etuvchi Bitimning 2-sahifasidagi 13-moddasi (iii) bandiga muvofiq oshkor qilinishi lozim”.

Loyiha tavsifi

Meros Farm MChJga 25 million AQSh dollari miqdorida kafolatlangan kredit taqdim etish.

Loyiha maqsadi

Loyiha Meros Pharm'ning organik o'sishi, yangi omborxonalar ochish orqali hududlarga kengayishi, gripp va mavsumiy kasalliklar davri oldidan zaxiralarni oshirish hamda maqsadli mijozlarga yanada qulayroq to'lov shartlarini taqdim etish bilan bog'liq aylanma mablag'larga bo'lgan ortib borayotgan ehtiyojlarini qo'llab-quvvatlaydi.

O'tish davri ta'siri

ETI balli: 63

Yaxshi korporativ boshqaruv: Loyiha Kompaniya uchun ishlab chiqilgan Korporativ boshqaruv bo'yicha harakatlar rejasi (CGAP) orqali korporativ boshqaruvni mustahkamlaydi;

Raqobatbardoshlik: Loyiha xususiy sektor ishtirokchisining faoliyatini kengaytirishni qo'llab-quvvatlaydi, bu esa bozordagi raqobatni kuchaytirish va xizmatlar sifatini yaxshilashga xizmat qiladi.

Mijoz haqida ma'lumot

MEROS FARM MCHJ

Meros Farm MChJ O'zbekistondagi yetakchi xususiy farmatsevtika mahsulotlari ulgurji distribyutorlaridan biridir.

YTTB moliyaviy xulosasi

25,000,000.00 AQSh dollari

Loyihaning umumiy qiymati

25,000,000.00 AQSh dollari

Qo'shimchaliklar (Additionality)

YTTB tomonidan taqdim etilayotgan moliyalashtirish tijorat banklari tomonidan mavjud bo'lmagan imkoniyatlarni yaratadi hamda korporativ boshqaruvni takomillashtirish orqali yuqori standartlarga erishishga ko'maklashadi. Shuningdek, loyiha yanada xavfsiz va inklyuziv ish muhitini rivojlantirishga xizmat qiladi.

Ekologik-ijtimoiy xulosa

B toifaga kiritilgan (2024-yilgi ESP bo'yicha). Mijoz bilan avvalgi aylanma mablag'larni moliyalashtirish loyihasi (53947) doirasida ESAP bo'yicha belgilangan tadbirlarning amalga oshirilishi ESP talablariga muvofiqlikni tasdiqladi. ESD Mijozning Mehnatni muhofaza qilish va xavfsizlik (H&S) siyosatini (avvalgi loyiha bo'yicha qolgan yagona ESAP bandi) qabul qilib, ko'rib chiqdi hamda uning Bank talablariga javob berishini tasdiqladi. Jumladan, siyosat quyidagilarni o'z ichiga oladi: jarohatlanishlarning nol darajasi tamoyili, xavflarni muntazam ravishda aniqlash va kamaytirish, xodimlarni ish joyida himoya qilish va shaxsiy himoya vositalari (PPE) bilan ta'minlash, muntazam treninglar o'tkazish, baxtsiz hodisa yoki favqulodda vaziyatlar yuz berganda boshqaruv rejasini yangilash va takomillashtirish hamda siyosatni kompaniya miqyosida qo'llash.

Oldingi loyiha doirasidagi ESAP orqali qamrab olingan asosiy xavf va ta'sirlar quyidagilarni o'z ichiga oladi: korporativ mehnat standartlari, mehnatni muhofaza qilish va xavfsizlik masalalari (yuqorida qayd etilgan H&S siyosatini ko'rib chiqish bundan mustasno), chiqindilarni boshqarish, ta'minot zanjirini boshqarish, sifat va mahsulot xavfsizligi standartlari (ayniqsa farmatsevtika mahsulotlarini yaxshi distribyutsiya amaliyoti (GDP) va qalbakilashtirilgan dori vositalari bilan bog'liq tartib-taomillar) hamda pudratchilarni boshqarish.

Ushbu bitim bo'yicha ekologik va ijtimoiy (E&S) tekshiruv avvalgi loyiha uchun tayyorlangan Yillik ekologik va ijtimoiy hisobotlar (AESR) hamda ESAP bajarilishi bo'yicha progress hisobotlarini ko'rib chiqish orqali amalga oshirildi. Mazkur loyiha uchun yangi ESAP talab etilmaydi.

Loyiha Parij kelishuvining iqlim o'zgarishini yumshatish bo'yicha maqsadlariga mos deb hisoblanadi, chunki u jMBD'ning universal ravishda mos deb e'tirof etilgan faoliyatlar ro'yxatiga kiritilgan. Loyiha Parij kelishuvining moslashuv maqsadlariga ham mos deb baholangan, chunki potensial ahamiyatli iqlim xavflari (ekstremal issiqlik to'lqinlari, o'rmon yong'inlari, suv tanqisligining kuchayishi, kuchli shamollar va suv toshqinlari) ahamiyatsiz deb topilgan yoki loyiha dizayni orqali yetarli darajada kamaytirilgan. Loyiha o'z faoliyat yuritayotgan tizimning umumiy barqarorligiga salbiy ta'sir ko'rsatishi kutilmaydi.

Loyihaning jismoniy iqlim (PC) xavfi darajasi 3 deb baholangan. Ushbu bitim doirasida GET (Yashil iqtisodiyotga o'tish) komponenti mavjud emas.

Texnik ko'mak (TK) va grantlar

Yaponiya–YTTB Hamkorlik Jamg'armasi tomonidan texnik hamkorlik (TC) mablag'lari ajratilib, ular bilan bog'liq yuridik tekshiruv xarajatlarining bir qismini qoplash ko'zda tutilgan. Shuningdek, Kompaniyada korporativ boshqaruv amaliyotlarini takomillashtirish maqsadida Aksiyadorlarning Maxsus Jamg'armasi (Shareholder Special Fund) hisobidan 150 ming yevrogacha bo'lgan texnik hamkorlik mablag'lari taqdim etiladi.

Kompaniyaning aloqa ma'lumotlari

Suhrob Pulotov

suxrob.pulotov@merospharm.uz

+998 97 915 40 25

www.merospharm.uz

O'zbekiston Respublikasi, Samarqand shahri, 140100, Beruniy ko'chasi, 1/5-uy.

PSD so'nggi yangilangan sana

3 Iyun 2025

O'tish davri nima

O'tish davri ta'sirini baholash bo'yicha YTTB yondashuvi haqidagi qo'shimcha ma'lumotni [mana bu havoladan](#) olishingiz mumkin.

Loyihalarda ishtirok etish uchun imkoniyatlar

Loyihada yoki xaridlarda ishtirok etish uchun mijoz kompaniyaga murojaat qiling.

YTTB bilan (xaridlarga oid bo'lmagan masalalarda) hamkorlik qilish uchun quyidagi telefon yoki elektron pochta orqali bog'laning:

Tel: +44 20 7338 7168

E-manzil: projectenquiries@ebrd.com

Davlat sektoridagi loyihalar uchun [YTTB xaridlari](#) sahifasiga o'ting:

Tel: +44 20 7338 6794

E-manzil: procurement@ebrd.com

Umumiy ma'lumotlar

Aniq so'rovlar [YTTB so'rovlar shakli](#)dan foydalangan holda berilishi mumkin.

Ekologik va ijtimoiy siyosat (ESP)

YTTB o'zining "ekologik jihatdan mas'ul va barqaror rivojlantirish" tashabbusini ilgari surishda [Ekologik va ijtimoiy siyosat](#) va uning tarkibiy qismi bo'lgan loyiha talablari (PR) Bank loyihasini amalda qo'llash tartibini belgilab beradi. ESP va PR tegishli milliy qonunchilik doirasida Bank mijozlarining keng jamoatchilikka axborot berishi va maslahatlashishini ta'minlash, shuningdek manfaatdor tomonlarning xavotirlari va shikoyatlarini, ayniqsa, ekologik va ijtimoiy muammolarni ko'rib chiqish va hal qilishga yordam beradigan mexanizmni yaratishdagi aniq talablarni o'z ichiga oladi. Loyihaning ekologik va ijtimoiy risklarni va ta'sirining mohiyati va ko'lamidan kelib chiqqan holda, zarurat tug'ilganda, YTTB o'z mijozlaridan qo'shimcha ravishda loyihalarning risklarni va ta'sirlari haqida ma'lumotni oshkor qilishni, shuningdek, manfaatdor tomonlar bilan batafsil fikr almashish va muammolar yuzasidan choralar ko'rilishini talab qiladi.

Bu sohada YTTBning tajribasi bo'yicha qo'shimcha ma'lumotlar ESPning quyidagi [sahifasida](#) keltirilgan.

Ish faoliyatidagi halollik va belgilangan me'yorlarga rioya qilish

YTTBning muvofiqlik nazorati boshqarmasi (OCCO) Bankda mas'uliyatli boshqaruvga ko'maklashish bilan birga Bank faoliyatining barcha jabhalarida eng yuqori standartlarda ish olib borilishini va barcha jarayonlar ilg'or xalqaro tajribalarga muvofiq bo'lishini ta'minlaydi. Bankning barcha mijozlari uchun ularning ish faoliyatidagi halolligini tekshirishdan maqsad, Bank loyihalari uchun qabul qilinishi mumkin bo'lmagan huquqiy va nufuzga oid risklarga yo'l qo'yilmaslikdan iborat. Bank nuqtai nazariga ko'ra, loyihani dastlabki baholash va tasdiqlash bosqichida muammoli jihatlarni aniqlash va ularni bartaraf qilish Bank faoliyati nufuziga putur yetkazmaslikning eng samarali vositasidir. OCCO ushbu profilaktika chora-tadbirlarida muhim ahamiyatga egaligi bilan birga investitsiya qilinganidan keyingi davrda Bankning nufuziga xavf soladigan risklarni nazorat qilishga yordam beradi.

OCCO, shuningdek, YTTB tomonidan moliyalashtirilayotgan loyihalar doirasidagi fribgarlik, korrupsiya va lavozimni suiiste'mol qilish bo'yicha ma'lumotni tekshiruvchi mas'ul hisoblanadi. Agar kimningdir Bank ichida yoki undan tashqarida fribgarlik yoki korrupsiya holatlari kuzatilayotganligi haqida gumoni bo'lsa, u muvofiqlik nazorati boshqarmasi boshlig'iga bu holat haqida yozma tarzda compliance@ebrd.com elektron manzili orqali xabar qilishi lozim. Barcha bildirilgan daliliy ma'lumotlar tegishli choralar ko'rish uchun OCCO tomonidan ko'rib chiqiladi. Barcha xabarlar, shu jumladan anonym tarzda xabarlar ham tekshirib chiqiladi. Bu turdagi xabarlar istalgan tilda, jumladan Bank faoliyat ko'rsatayotgan mamlakatdagi rasmiy tilda tayyorlanishi mumkin. Bunday ma'lumotlar yaxshi niyatni ko'zlashi maqsadga muvofiqdir.

Axborotdan erkin foydalanish siyosati (AIP)

2020-yilning 1-yanvarida kuchga kirgan IAP YTTBning strategiyalari, siyosatlari va amaliyotlarini yaxshiroq tushunish va bilishga ko'maklashish uchun manfaatdor tomonlarga ma'lumotlarni ochiqlash bilan birga maslahatlashuvlar tartibini belgilab beradi. YTTB veb-saytidan qanday ma'lumotlar olish mumkinligini bilish uchun [Axborotdan foydalanish siyosati](#) sahifasiga o'ting.

Muayyan savollaringizni [YTTBning ma'lumot so'rovi](#) orqali yuborishingiz mumkin.

Loyihalar bilan bog'liq shikoyatlarni ko'rib chiqish mexanizmi (IPAM)

Agar jismoniy yoki yuridik shaxslarning ekologik-ijtimoiy sohadagi yoki axborotni oshkor qilish borasidagi xavotirlarini (masalan, loyiha darajasida mijozlar tomonidan yaratilgan shikoyatlar mexanizmi yoki Bankning amaliyot boshqaruvi bilan bevosita o'zaro aloqa qilish orqali) qanoatlantirishga bo'lgan urinishlari samarasiz bo'lsa, ular YTTBning hisobdorlik mexanizmi ya'ni loyihalar bilan bog'liq shikoyatlarni ko'rib chiqish mexanizmi yordamida (IPAM) o'zlarining o'sha xavotirlarini bildirishlari mumkin.

Loyihalar bilan bog'liq shikoyatlarni ko'rib chiqish mexanizmi (IPAM), arizachilarning fikriga ko'ra, zarar yetkazishga ulgurgan yoki kelajakda zarar yetkazishi mumkin bo'lgan loyihaning muammolarini mustaqil ravishda baholaydi. Ushbu mexanizmning vazifalari quyidagilardan iborat: - ekologik-ijtimoiy va axborotni oshkor etish bo'yicha muammolarni hal qilish uchun loyiha ishtirokchilari o'rtasidagi o'zaro aloqalarni o'rnatish va muloqotlarni olib borish; - Bank tomonidan ishlab chiqilgan [Ekologik va ijtimoiy siyosat](#) talablariga, shuningdek loyihaga oid tegishli [Axborotdan erkin foydalanish siyosati](#) qoidalariga rioya qilinishini baholash; - zarurat tug'ilganda, ushbu mezonlarga rioya qilmaslik holatlarini bartaraf etish, kelgusida Bank tomonidan ularni buzish holatlariga nisbatan ko'riladigan choralarini ko'zda tutish.

IPAM va uning vakolatlari haqida batafsil ma'lumot olish, ko'rib chiqilishi kerak bo'ladigan [shikoyatlarni jo'natish](#) uchun [Loyihalar bilan bog'liq shikoyatlarni ko'rib chiqish mexanizmi veb-saytiga](#) kirishingiz yoki tavsiyalar olish hamda IPAM haqida qo'shimcha ma'lumot olish va shikoyat jo'natish uchun ipam@ebrd.com elektron pochta orqali biz bilan bog'lanishingiz mumkin.